

I. DISPOSICIÓN XERAIS

MINISTERIO DE AGRICULTURA, ALIMENTACIÓN E MEDIO AMBIENTE

- 2254** *Orde AAA/251/2012, do 9 de febreiro, pola que se modifican o anexo I do Real decreto 2129/2008, do 26 de decembro, polo que se establece o Programa nacional de conservación, mellora e fomento das razas gandeiras, o anexo do Real decreto 558/2001, do 25 de maio, polo que se regula o recoñecemento oficial das organizacións ou asociacións de criadores de cans de raza pura, e o anexo III do Real decreto 841/2011, do 17 de xuño, polo que se establecen as condicións básicas de recolla, almacenamento, distribución e comercialización de material xenético das especies bovina, ovina, caprina e porcina, e dos équidos.*

O Real decreto 2129/2008, do 26 de decembro, polo que se establece o Programa nacional de conservación, mellora e fomento das razas gandeiras, ten por obxecto establecer as normas básicas e de coordinación do dito programa nacional e a regulación da normativa zootécnica dos animais de raza e équidos rexistrados.

A dita disposición incorpora no seu anexo I o Catálogo oficial de razas de gando de España.

De acordo co artigo 6 do citado real decreto, o recoñecemento, clasificación e incorporación de razas no catálogo oficial será realizado de acordo cos procedementos establecidos para estes efectos pola Comisión Nacional de Coordinación prevista no artigo 34, que incluírán en todo caso a presentación e análise da documentación da correspondente raza, así como o seu preceptivo informe.

O obxecto desta orde é, por unha parte, actualizar o dito anexo, mediante a súa substitución por un novo que incorpora varias razas, suprime unha e modifica a categoría de clasificación para outras dúas razas, e baséase en propostas que foron admitidas en distintas reunións da citada Comisión Nacional de Coordinación realizadas con posterioridade á publicación do Real decreto 2129/2008, do 26 de decembro.

A Comisión Nacional de Coordinación realizada o 5 de maio de 2009 emitiu informe favorable sobre a inclusión da raza cavall pirinenc catalá no Catálogo oficial de razas de gando de España.

A Comisión Nacional de Coordinación realizada o 24 de marzo de 2011 emitiu informe favorable sobre a modificación da categoría de clasificación da raza parda de montaña, a inclusión da gallina del Sobrarbe e o camello canario, así como a supresión da raza caprina jurdana, por se ter extinguido, no Catálogo oficial de razas de gando de España.

A reunión da Comisión Nacional de Coordinación realizada o 9 de xuño de 2011 emitiu informe favorable sobre a modificación da categoría de clasificación da raza caprina florida e a inclusión da gallina ibicenca no Catálogo oficial de razas de gando de España.

Por outra parte, o Real decreto 558/2001, do 25 de maio, polo que se regula o recoñecemento oficial das organizacións ou asociacións de criadores de cans de raza pura, establece os requisitos que deben cumprir os animais da especie canina para a súa inclusión no libro xenealóxico correspondente, e os criterios para o recoñecemento oficial daquelas entidades que pretendan a súa xestión.

A dita disposición incorpora no seu anexo a listaxe das razas caninas españolas.

Tamén é obxecto desta orde modificar o dito anexo incluíndo a raza pura canina española perro de agua del Cantábrico. A proposta de inclusión desta raza recibiu o informe favorable da Comisión Nacional de Coordinación na súa reunión do día 24 de marzo de 2011. Na actualidade, en virtude da disposición derradeira terceira do Real decreto 2129/2008, do 26 de decembro, as referencias que se fagan no Real decreto 558/2001, do 25 de maio, ao Comité de Razas de Gando de España, enténdense feitas á

Comisión Nacional de Coordinación regulada no citado Real decreto 2129/2008, do 26 de decembro.

A presente orde dítase ao abeiro da habilitación contida na disposición derradeira quinta do Real decreto 2129/2008, do 26 de decembro, que faculta o ministro de Medio Ambiente e Medio Rural e Mariño, actual ministro de Agricultura, Alimentación e Medio Ambiente, para modificar, logo de informe da Comisión Nacional de Coordinación, o Catálogo oficial de razas de gando de España previsto no seu anexo I, e da habilitación contida na disposición derradeira terceira do Real decreto 558/2001, do 25 de maio, que faculta o ministro de Agricultura, Pesca e Alimentación, na actualidade ministro de Agricultura, Alimentación e Medio Ambiente, para a modificación e inclusión no anexo de novas razas caninas, logo do informe do Comité de Razas de Gando de España.

Igualmente, en uso da habilitación conferida ao ministro de Medio Ambiente, e Medio Rural e Mariño, actual ministro de Agricultura, Alimentación e Medio Ambiente, na disposición derradeira segunda do Real decreto 841/2011, do 17 de xuño, resulta necesario modificar o anexo III para engadir un novo código para o cavall pirinenc català e modificar a categoría de clasificación para a raza bovina parda de montaña, como consecuencia da modificación do anexo I do Real decreto 2129/2008, do 26 de decembro.

Na tramitación da presente orde foron consultadas as comunidades autónomas e as entidades representativas dos sectores afectados.

Na súa virtude, de acordo co Consello de Estado, dispoño:

Artigo primeiro.

Modificación do anexo I do Real decreto 2129/2008, do 26 de decembro, polo que se establece o Programa nacional de conservación, mellora e fomento das razas gandeiras.

Substitúese o anexo I do Real decreto 2129/2008, do 26 de decembro, relativo ao Catálogo oficial de razas de gando de España, polo que se xunta nesta orde.

Artigo segundo.

Modificación do anexo do Real decreto 558/2001, do 25 de maio, polo que se regula o recoñecemento oficial das organizacións ou asociacións de criadores de cans de raza pura.

Incorpórase no anexo do Real decreto 558/2001, do 25 de maio, polo que se regula o recoñecemento oficial das organizacións ou asociacións de criadores de cans de raza pura, a raza pura canina española perro de agua del Cantábrico.

Artigo terceiro.

Modificación do anexo III do Real decreto 841/2011, do 17 de xuño, polo que se establecen as condicións básicas de recolla, almacenamento, distribución e comercialización de material xenético das especies bovina, ovina, caprina e porcina, e dos équidos.

O anexo III do Real decreto 841/2011, do 17 de xuño, polo que se establecen as condicións básicas de recolla, almacenamento, distribución e comercialización de material xenético das especies bovina, ovina, caprina e porcina, e dos équidos, queda modificado do seguinte modo:

1. Engádesse a nova raza: cavall pirinenc català e o seu correspondente código, na codificación de razas equinas do catálogo, no punto de razas autóctonas en perigo de extinción:

Raza: cavall pirinenc català.

Código: EPC.

2. A raza parda de montaña que aparece no punto de razas integradas en España da especie bovina co código BSM pasa ao punto de razas autóctonas de fomento da especie bovina, coa mesma codificación.

Disposición derradeira única. *Entrada en vigor.*

A presente orde entrará en vigor o día seguinte ao da súa publicación no «Boletín Oficial del Estado».

Madrid, 9 de febreiro de 2012.—O ministro de Agricultura, Alimentación e Medio Ambiente, Miguel Arias Cañete.

ANEXO

«ANEXO I

Catálogo oficial de razas de gando de España

1. Razas autóctonas:

a) De fomento:

1.º Especie bovina: asturiana de los valles, avileña-negra ibérica, lidia, morucha, parda de montaña, pirenaica, retinta e rubia galega.

2.º Especie ovina: carranzana, castellana, churra, latxa, manchega, merina, navarra, ojinegra de Teruel, rasa aragonesa e segureña.

3.º Especie caprina: florida, majorera, malagueña, murciana-granadina, palmera e tinerfeña.

4.º Especie porcina: ibérico, ibérico (variedade retinto) e ibérico (variedade entrepelado).

5.º Especie equina cabalar: española.

6.º Especie aviar: combatiente español.

b) En perigo de extinción:

1.º Especie bovina: albera, alistana-sanabresa, asturiana de la montaña, avileña-negra ibérica (variedade bociblanca), berrenda en colorado, berrenda en negro, betizu, blanca cacereña, bruna de los Pirineos, cachena, caldelá, canaria, cárdena andaluza, frieiresa, limiá, mallorquina, marismeña, menorquina, monchina, morucha (variedade negra), murciana-levantina, negra andaluza, pajuna, palmera, pasiega, sayaguesa, serrana negra, serrana de Teruel, terreña, tudanca e vianesa.

2.º Especie ovina: alcarreña, ansotana, aranesa, canaria, canaria de pelo, carranzana (variedade negra), cartera, castellana (variedade negra), chamarita, churra lebrijana, churra tensina, colmenareña, galega, guirra, ibicenca, lojeña, maellana, mallorquina, manchega (variedade negra), menorquina, merina (variedade negra), merina de Grazalema, montesina, ojalada, palmera, ripollesa, roja mallorquina, roya bilbilitana, rubia del Molar, sasi ardi, talaverana, xalda e xisqueta.

3.º Especie caprina: agrupación das mesetas, azpi gorri, blanca andaluza ou serrana, blanca celtibérica, bermeya, do Guadarrama, galega, ibicenca, mallorquina, moncaína, negra serrana, payoya, pirenaica, retinta e verata.

4.º Especie porcina: celta, chato murciano, euskaltxerria, gochu asturcelta, ibérico (variedades torbiscal, lampiño e manchado de jabugo), negra canaria e negra mallorquina.

5.º Especie equina cabalar: asturcón, burguete, caballo de monte de País Vasco, caballo de pura raza galega, cavall pirinenc català, hispano-árabe, hispano-bretón, jaca navarra, losina, mallorquina, marismeña, menorquina, monchina e pottoka.

6.º Especie equina asnal: andaluza, asno de Las Encartaciones, balear, catalana, majorera e zamorano-leonés.

7.º Especies aviáres: andaluza azul, euskal antzara, euskal oiloa, galiña de Mos, gallina castellana negra, gallina empordanesa, gallina ibicenca, gallina del Sobrarbe, gallina del Prat, indio de León, mallorquina, menorquina, murciana, pita pinta, penedesenca, pardo de León, utrerana, oca empurdanesa e valenciana de Chulilla.

8.º Outras especies: camello canario.

2. Razas integradas en España:

a) Especie bovina: blonda de Aquitania, charolesa, fleckvieh, frisona, limusina, parda.

b) Especie ovina: berrichon du Cher, charmoise, fleischschaf, Île de France, landschaff e merino precoz.

c) Especie porcina: blanco belga, duroc, hampshire, landrace, large white e pietrain.

d) Especie equina cabalar: árabe, anglo-árabe, purosangue inglés, trotador español.

3. Razas da Unión Europea:

a) Especie ovina: lacaune.

b) Especie caprina: alpina.

4. Razas de terceiros países:

a) Especie ovina: assaf.

5. Razas sintéticas españolas:

a) Especie ovina: salz.

6. Outros équidos rexistrados:

a) Caballo de deporte español (CDE).»